

ИЛЛЯ ВАСЬ

/КЫВБУРЬЯСЪ

КОМИ ГОСИЗДАТ  
СЫКТЫВКАР

151N

ИЛЛЯ ВАСЬ

ВЫЛЬ  
ШЫЯС

/КЫВБУРЪЯС/

КОМИ ГОСИЗДАТ

СЫКТЫВКАР

1932

В.И.Лыткин. Новые  
звуки / стихи /.

Тираж--2050.

Редактор П.Шеболкин.

Тех.редактор В.Соснин.

Обложка В.Соснина.

## КӨРТ ТУЙ

Вынйора Совет власть кион  
Воськовтö Коми му миян  
Культур йоз пиö.  
Тигр этшön сывйыштö  
Кузь вөр пу йывьясти  
Ертыясöй,  
Олам ми зэв ыджыд кад--  
Чугун туй вольсассьö тат!

Ж

Ж

Ж

Пармаö, раскö и тодö,  
Морт кок эз тальыштлы кодöс,  
Чугун визь водас.  
Нöрысьяс кырöдас,  
Парьялас, пырöдас.  
Тоньгысяс  
Öшöдчас ю вомön пос--  
Шензясны пожом и коз!

Ж

Ж

Ж

Звиркнитас, ырскöбтас муным,  
Сьöлёмнас, вемнас и кунас

Чепöсьяс пуны.  
Чепöсьяс, öдöбтас,  
Кыккoкыйыв мөдöдчас.  
Коми му  
Чужöмсö вежас көрт туй--  
Чергöдчас жеблунлөн шуй.

Ж  
Ж Ж

Регыд нин Коми му шөрсянь  
Чөв ланьтөм съöd парма вөрсянь  
Паровоз вөрзяс--  
Гымалан кымөр моз  
Парматі грымöдас.  
Көрт вөлöй!  
Би чолөм ыстö вой му--  
Став Сöвет муыслы ну!

1929.

---

ГӨРД ДЗОРИДЗОК

/СЪЫЛАНКЫВ/

Сьӧлӧмтӧ дон бинас сьвдӧ,  
Морӧс вьв цвет вӧтлӧ шог...  
Мусмыліс меным том нывлӧн,  
Том нывлӧн гӧрд дзоридзок.

Припев:

Муса нылӧй, муса нылӧй,  
Комсомолка, зарни ныв.  
Муса нылӧй, муса нылӧй,  
Комсомолка, зарни ныв.

Цвета пыр собранье вылын,  
Кор вӧлі сэтчӧ он лок...  
Шуткаӧн сетлім ним сылы,  
Ним сылы "Гӧрд дзоридзок".

Припев.

Буржуя му вылын войыс  
Сап пемыд, сир курыц, лёк...  
Ад горшлы мустӧм сӧк лоис,  
Сӧк лоис гӧрд дзоридзок.

Припев.

Турөб дыр, пурга кор сьыліс,  
Миянөс таляліс шог.

Тюрмаө сюри том ныльд,  
Том ныльд, гөрд дзоридзок.

Припев.

Кушинын, неылын карсьыс,  
Буқыш дом сулалө лек.  
Сэтөні косьмис, сэн нярзис,  
Сэн нярзис гөрд дзоридзок.

Припев.

Морөсө гөрд дзоридз регьд  
Ставным ми өшим том йөз,  
Казьтыштим тадзи ми сэки,  
Ми сэки "Гөрд дзоридзөс".

Припев.

1929.

## ДАС ВИТӨД

Тувсов вой--  
Зарни чой.  
Енэж пасьта кыа.  
Саридз--шылъд ной--  
Узбө, оз кыв шыыс.  
Пыжаным оз кой.

Гөгөр чөв,  
Шы ни төв.  
Петав, лэптысь, ыждав,  
Вой саридзса төв!  
Сэки парус пыжным  
Тюлас, кыдзи ньөв!

Пестöй би!  
Турдö ки,  
Моякылö сойöй,--  
Сыним лунтыр ми,  
Локтис вой шөр войын  
Саридз шөрса ді.

Зэв нин сёр--  
Асьядор.  
Бипур дорын том йöz.  
Сёрни--серамсор.

Нюмдöмаöсь вомьяс...  
Сöмын öти--нор.

"Тэд, бур вок,  
Мыйысь шог?  
Бöжалысь, тэ зумыш!  
Юрад кутшöм шог?  
Мыйла оз пет нюмд?  
Висьтав, польö, лок!"

"Эк, бур морт!  
Гу и горт  
Саридзын мем лои  
Эськö коркö, ёрт...  
Муртса татчöдз вои...  
Кывзы вай, бур морт!"

Миян сикт  
Ставнас дзик  
Коммуна сэк вöли.  
Вöли няньысь пик.  
Олим уна тöлысь  
Чери вылын ми.

Вöли ар.  
Кöдзтöм пар.  
Пыжөн ветлим туйö  
Дас вит коммунар--  
Сюөн вежны нуим  
Чери, сьöла, тар.

Локтам. Лун.  
Нэм оз вун,  
Кутшөм гыа вөлі!  
Тайкө пыж оз сун.  
Йөткис, ызгис төлыс:  
"Тэрмась, тэрмась, мун!"

Кырныш кодъ  
Пароход  
Уськөдчис ми вылө,  
Вөтис эсчө со.  
Кутис... Сэки вөлі  
Дас көкъямысөд во.

Капитан,  
Англичан,  
Шуис: "Бара сюри  
Коммунарьяс тан!  
Лэдзөй увлань юрөн  
Саридзө сун-сан!"

Зына<sup>ж</sup> трюм,  
Гысянь шум, --  
Дас витөн ми сэни...  
Войбыд йирис дум.  
Ковгис крейсер стенө  
Гыс зым и зум.

---

ж Зына--дука.

Ёртъясöс  
Лыйлісны.  
Мöда-мöдыс бöрысь  
Ваö лэдзисны.  
Ме вöлі медпöрысь--  
Коли медбöрö.

Капитан,  
Кырныш-пан,  
Сьöвзис менам синмам.  
Чургöдіс наган...  
Садытöм код... эз инмы.  
Ваö ме--сун-сан.

Мый эм вын,  
Сойöй, сын!  
Гыыс тыртö, пöдтö.  
Выныд сөйтөг--джын.  
Сьöлөмöй, сет öдсö,  
Кызкö ловйөн мын!

Ді со эм!..  
Вои ме...  
Дас нель шапка валыс  
Вайис діö мем...  
Гыыс кулөм налысь  
Сьыліс... сьылö мем!

Дас нель морт  
Аслыс горт  
Аддзис саридз пиын.  
Тод вылам быд ёрт,--  
Талун, другьяс, сійон  
Татшом жугыль, нор.

Тодса мен  
Сиктса вен.  
Киссис вирным уна...  
Но... Эн шогсьой, эн--  
Онi виль коммуна  
Дзоридзалө сэн!"

Висьтлы пом.  
Войтыр том--  
Сьолөмьясныс гыа:  
Збыль-ө тайө пом?  
Чужөманыс кыа--  
Югыд син и вом.

Тувсов вой--  
Зарни чой.  
Енэж пасьта кыа.  
Саридз--шылъд ной--  
Узьө, оз кыв шыыс.  
Пыжаным оз кой.

Гөгөр чөв,  
Шы ни төв.  
Петав, лэптысь, ыждав,  
Вой саридзса төв!  
Сэки парус пыжным  
Тюлас, кызди ньөв!

1930.

Бор кузя потшösсьяс вомөн,  
Лөнъ ва кодъ сю муяс сайö,  
Из вывті дзольгысь ю дорö  
Унаөн чиг öткодъ каям.

Пурысьын мösсьяс.

Розьялö сү.

Шондiыс öзйö.

Кашкö лөнъ му.

Бытьöкö шыр пияс

Торзьöдам.

Кузь сү пövстын корскюрö

Тыдыштлö юрным.

Сьölöмын--лун төв.

Варовöсь.

Уджнымös гаралам:

"Ме вит лун пинёвті

Купеч Педөрлы,

Сетіс кызь ур".

"Ми пес кералім..."

"Ми сямöд кулим..."

Сьöкыц удж... Мед...

Сералам.

Эк! Быдөнлы миянлы

Тырмö вöлі уджыс!

/Кулаклөн челядьыд  
Миянкөд оз вөлі ветлы/.

Тыдовтчис вөр.

Вөр дорын шор нюкөс.  
Дзольгыштө, жургыштө шор.  
Гөгөр лөнъ. Гөгөр нор.  
Сөмын есь гөлөснъм миян  
Паськыд ыб гөрб вомөн  
Вөр пуяс пиө  
Чивлас,

Чикышөн лэбзьыштлас.

Ми дзөляөсь,

Ми гебьяс...

Талун ми сьөкыд уджысь мынім!

Ми багатырьяс!

Вот юксям да

Қутам ворсны

Ен йөзлысь выліті

Выліті лэбалөмсө.

Лунвылын веж турун вылын

Челядьлөн ворсөм шы кылө:

Лэчыд гөлөс,

Гаж, серам,

Визув шор дзольгө,

Визув шор мойдө.

Зөм кыркөтш горулын

Сө рөма вөнһөн

Чиклясьө-муклясьө

Төд вылам  
Писькөдө туй.  
Тэрмасьö, тэрмасьö,  
Изъяскөд вермасьö...  
Шор выlö кыркөтшянь  
Вылісянь öшөдчөм  
Кыз

Коз пу лыс.  
Нөрөвтчөм.  
Лапьясыс дзормөма-сь.  
Зумыша видзөдө  
Пөлатсянь пөльö  
Веж гын вывті гөглясьысь  
Шегьяс выlö.

Ывлаыс--өдья пывсян.  
Пөрөм лыс весьтын джумгөр.  
Пасьтөмөсь... Кыркөтш йывсянь  
Чеччалө зонпосни сэтчө.  
Сералөм, пульскөдчөм, увгөм.  
Гожся лун лэбзыштіс--  
Эгө и аддзылөй.

Увтасмис шонді.  
Мөс жыннян клөнгө.  
Кад мунны гортө.  
Сьөрсьөн-бөрсьөн  
Сю пөвстті  
Шыр пияс унаөн  
Мунам.  
Сернитам аския  
Удж йылысь...

Ёся съёлөмам сутшис:  
Борйын сюри паныц  
Педьö Анö,  
Чарлаа, мешöка,  
Турунла мунö.  
Висьталіс: Клавди Степö пö  
Чеччыштис ваö,  
Эжваö, медджуджыц йирас...  
Сьёлöмным ыркмунлі ставнымлөн.  
Клавди Степö  
Мекöд тшöтшья  
Дас куим арöса зон.  
Батьыс сьлөн вöлі--звер,  
Челядьсö уджöдö  
Ва кыскалан көбыла этшөн жö,  
Мыйөн сюрö кучкö.  
Ыджыцджык вокыс сэтшöм жö.  
Мамныс важөн нин кулöма.

Жугыльтчим.

Жалитам Степöс.  
Пинялам батьсö.  
Казьтылам сьöкыц уджьяс,  
Скөр батьясöс.  
Кодлөн абу сьöкыц уджыс?!  
Кодлөн абу скөр батьыс?!  
Вот Педөр Ванялы  
Лöсьыд овныц,  
Уджалöны казакьяс,  
Ачыс дас вит арöса нин да  
Тöv чужьялö ветлö.  
А миян быдөнлөн вöлі

Скөр дядь,  
Тасма киас,  
Корсюрö мышканым  
Инмөдльвлö сійöс.  
Ичöt вежөрным  
Оз вöлі тöд,  
Код сійö ачыс  
Тасмаа скөр дядьыс...

Сю пöвстті бор кузя локтам.

Чукльöдлам-мукльöдлам,  
Потшöсьяс, маегьяс, нöрысьяс, борьяс.  
Векныцöсь, паськыцöсь,  
Чукляöсь, пельöсöсь...

Шондиыс пуксие.  
Тшök ланьтöмаöсь ставным.

Шуштöм...

Мöвпалам. Мый йылысь?

Гашкö, сы йылысь,

Мыйла татшöм олöмыс?

Кöть ся мый йылысь--

Вежөрным нер на,

Воча кыв шуны оз вермы.

## II

Коркö дыр мысти,

Ылі муясті ветлöм бöрын

Чукыля-мукыля борьясті

Мöдöдчи вөрлань.

Пөрöм лыс дорö

Воны ме куті да чуйми--

Абу некутшöм лыс,

Лыс пыдди кушин.  
Лэччи ю дорө--  
Ю вомөн водөма  
Кыз  
Коз пу лыс.  
Косьмөма,  
Шервидзө лапьясыс,  
Тушанас помөма юсө.  
Ваыс вомөныс бызгө,  
Кос лыссө тойлалө,  
Кос лыссө йөткө,  
Кыз гөлөснас  
Ызгө-ызгө!

Эк! Коркө ми татөн  
Ызгылим--  
Киссьөм гачаөсь  
Зонпосни,  
Посви челядь котыр.  
Кымын во тыри  
Сэтысянь?!  
Төд вылын--  
Косыник чужөма Ёгор,  
Жугыль синьяса.  
Вөлі весигтө сералан шога.  
Медмуса челядьдыр ёртөй!  
Радейтлін сьылыштны.  
Мыйсө вөлі он гудрав  
Рочөн и комиөн...  
Тэнө паськыд горш  
Царь война ньылыштіс...

Серамбан Семө,  
Тэ нө көні?  
Кутшөм туй таялан?  
Нинөмысь повтөм öльö.  
Збыль-ö тэнад сьöлөмыд  
Абу веськыд кабыр ыджтөмыд,  
А юр ыдждөмыд!

Багатыр Рөман,  
Ки пөвнад ми вок коддьөмтө  
Тэ вөлі верман.  
Тэнö ме эг аддзыв көмөн,  
Варччөмысла тэнад кокыд  
Сапөгсьыс сьöдджык.  
Киссьөм лөз гача да  
Кизьтөм сера дөрөм--  
Вот нэмөвөйя туалетыд!...

Туй вылын рекрутъяс,  
Гудок вазгө.  
Аски нуасны  
Начкыны тиянөс  
Капитал ним кузя.  
Сикт и грезд узьö и узьö.  
Уна мөвп  
Бергаліс юрын  
Кыркөтш дорын пукалігөн.

Шонді вөр сайö пырис.  
Пөрөм лыс шойыскөд  
Косясис ва...

Войыс!

А войыс--сьöd са!

Ш

Рытъя шондi...

Асья шондi...

Чардби... Гым

Грым.

Муыслөн лыыс

Ёнтö...

Бара ме гортын.

Кайла видзöдла,

Кыдзи узьö

Кыз

Пөрöм лыс.

Потшöсьяс.

Чукуль-мукуль туй...

Сю муяс вылö,

Сикт весьтö,

Став земля мати вылас

Лэптöма уджалысь йöз

Нöш:

"Со тэныд,

Му выв буржуй!"

Вои.

Туöма ю,

Ойдöма.

Ызгö-бызгö,

Тигрөн чеччалö водзö...

Көн нö пөрöм пу?

Местаыс эз сюр дажө,  
Визулыс нуома  
Кыркөтшсө сажень.  
Кырөдөма,  
Пырөдөма.  
Ваө  
Кыркөтшысь пласт  
Зэв кыз  
Быз!  
Гузь!  
Төкөтьө ваө эг усь!  
Серамбан Семен!  
Тэ тани!  
Олан да вылан!  
Ловья на?.. Кор воин?..  
Семен быдмөма,  
Серьёзной лоома,  
Сой пөла.  
„Сойос курччис  
Капиталист!..“  
Сөрнитим дыр,  
Гаралим буржуйос,  
Коммуна, война...  
Кутшом мем кыпыд вөли:  
Семенлөн вощьома син--  
Сийө аддзөма, сийө төдөма  
Киас тасма кутысь  
Звер чужөма  
Дядьсө...

Сөвет му выlö  
Зырчис му выв буржуй.  
Меным и Семёлы  
Вөлі öти туй--  
Дорйыны Сөвет му,  
Дорйыны ассыным гаддя ки...  
Семенлөн морөсас  
Ыпьяліс би.  
Сой пөла Семен,  
Чукөстис партия.  
Гижисны Гөрд гвардияө.

Мырсысь йөзлөн  
Кабырыс көрт,  
Гөрд  
Еджыдөс  
Вөчис пусь-пась.  
Серамбана Семен  
Геройөн усьөма фронтын,  
Багатыр Рөманөс  
Еджыдьяс суйисны рыө.  
Унаөн челядь дыр  
Ертыясөй пытшкысь  
Пуктис Сөвет власть понда  
Юрсө.

Кырыныш чукөр  
Курксис, курксис...  
Но весьшөрө.  
Мырсысь йөзлөн  
Кырымыс көрт  
Еджыдөс пусь-пась  
Вөчис гөрд.

Паськыд ыб,  
Помтөм ыб.

Шыльыд-мольыд

Мышку выв.

Потшөс сер ни

Маег йыв,

Нинөм абу--

Бор ни межа!

Ид и сю.

Му, му, му!

Абу эжа.

Шыльыд шыль.

Сиктсаянь вөрөдз

өти йөрөд!

Син оз судз... Оз.

Колхоз.

Уна во мысти-

Ме бара гортө вои...

"Пөрөм лыс" дорө кайи.

Сю пытшти борти ог уй--

Шуньгө веськыда туй.

Видза олан,

Эзысь серамөн

Дзольгысь ёль!

Олан-вылан, челядь гаж!

Бурлун, сьөлөм жугыльтан мөвпьяс!

Здравствуй, бузгысь ва и гым!

Видза олан, челядь дыр вежатор!  
И... видза колян!  
Чолөм тэд, чарлаа-мөлөта  
Шонди!

Кытөни местаыс  
Кыз коз пу лыслөн?  
Эз югды--  
Ветлөдлі  
Кывтыд и катыд.  
Потшөс ни маег,  
Некутшөм пас  
/Важөн вөлі төдмалан  
Потшөсьяс серти/.

Бузгөм шы кыдө.  
Мөдөдчи сэтчань.  
Видзөда:  
Довквидзө  
Кыптөма мельнича.  
Тувсовья серамөн  
Выль стеньяс  
Ваксьоны.  
Ме шензя...  
Муркөдө-зуркөдө  
Изө.  
Ме вензя,  
Ме споруйтны кута,  
Ог сетчы--  
Эсійө, ме думысь, керйыс,

Коді медкыз,  
Сійö, сөкростос,  
„Пөрөм лыс!“

Мельнича вылын  
Гөрд дөрапас.  
Мельнича тыр  
Изөдчысьяс.

Сынөдыс потіс,  
Збой сьылөм петіс.

Шуньгө шы

Шыльөдөм шыльыд шыль вывті  
Мольөдөм мольыд моль вомөн:

„Веськыдланьö кежысь дорйö,  
Дорйö ружтö кулакөс.

Ылө кулакьясөс зорьяв,  
Аслад уджөн олысь йөз!

Сьывйысь дзикөдз кыскам сиөс,  
Вөчам олөм выльысь выль,  
Тильсьысь-пессьысьяс, ас киөн  
Мөвпяссьыным вөчам збыль!

Тильсям-пессям шойччөг төдтөг,  
Нәмным позялөма сой.

Сэтшөм сьөкыд овны өткөн--  
Тшыгйөн уджав лун и вой.

Колхозникьяс ми збой войтыр,  
Тэчам өтув олан ног.

Веськыдладор шыбель мойдö:  
Колхозö пö кулак кок!

Зильö торкны кулак быд ног,  
Пиньсö йирö гетш да гетш,

А колхозным мян быдмө,  
Тырмас мян ын и этш.  
Уджлысь восьлассө ми содтам,  
Панъям Америкаос.  
Ве Ка Пелон знамя вот тан  
Кын кутам ми, збой йоз".

Веж луд вылын  
Дзольгысь ёль пөлон  
Тильсялө эзысьон  
Челядь сёрни.  
Сийө жө луд вылын  
Сийө жө эжа.  
Тырыс  
Гөрд галстука  
Войтыр,  
Посни котыр.  
Экскурсия--  
Мельнича видлыны.  
Луд вылын челядь.  
Тайө ми?  
Кызь во сайын  
Татчө кайлим!...

Котралөй социализма  
Му вылын!

Капитализмлысь нетшкөй  
Медбөрья вужьяссө!  
Сийө кулан удж выяс  
Ёна на чужьясьө.  
Гөльяс и шөркодьяс,  
Отвылысь

Бертöй,  
Кисыд чертö  
Эн лэдзöй--  
Мед он шедö  
Кулак  
Кабыр улö.

Вöли пөрöм коз.  
Онi тан ыджыд  
Колхозлөн  
Мельнича.  
Повтöм Öльö  
Колхозын ныртшик,  
Лад пуктысь.  
Ошкöны--шань пö зэв.

Помнитан öд,  
Коркö  
Эжваын купайтчигөн  
Тökötьö эг пöд,  
Не Егор кө,  
Кардорö кывтiн!  
Помнитан--кулак пиян  
Нöйтны кыйöдöмаöсь.  
Виисны эськö  
Сюрин кө.  
Тэныд веськодь!  
Онi чорыда  
Сулалан кулаклы  
Паныд/.

Ю дорын,  
Шор дорын  
Дзордзалёны дзоридзьяс.  
Мельнича вылын  
Гёрд дёрапас.  
Луд вылын тільскö  
Выль сёрни,  
Выль йёзлөн  
Выль сьылём  
Кылö.  
Помтём йөрöd  
Трактор гөрö.  
Чарлаа-мөлöта шондi  
öзйö.  
Му пуксьöмсянь  
Кедзовтём йёзлы,  
Тильсьысь-пессьысь войтырлы,  
Мездмём котрылы  
Шудлун кисьтö-лэдзö.  
Нюмьялö-радлö  
Ю дорса из...  
Ертьяс, ми тэчам,  
Тэчам социализм!  
1930.

---

## ОШИНЬ УЛЫН...

/Молчанов серти/

Ошинь улын потшös дорын  
Небыд пöльыштлывлö тöv...  
Тöдтöм зонлысь варов сёрни  
Кывзö пöрысь войтыр чöv.

Тöдтöм зонмыс--комсомолец,  
Сиктö ыстöм сийös кар.

Аслыс сяма тешкодь вöлөн  
Локтис пурьсьöд зур-зар.  
Потшös бердын нöрыс йылын,  
Кöни бунтын куйлö кер,  
Зонлөн лэчыд гөлös кылö--  
Пуö агитатор нэр.

Сёрни киссьö бузган шорөн,  
Сьөлöмьясö öзтö би.

Кывзö томыс, кывзö дзорьс.  
Кывзö тшötш и дзöля пи.

Висьталö висьт комсомолец:  
„Бара пö нин зырсьö враг,  
Мöлötысь пö юрыс шоляс,  
Кок улын лязалас гаг.

Капитал да буржуй чукөр  
Кöсйö аджны мунымös.

Йитöд чорыдös зэв тшупам  
Заводсакöд сиктса йöz!

Оз кӱсийны враглы сетны  
Сӱвет мулысь ӱти сыв,  
Ставӱн враглы паныд петны  
Сетӱ заводса йӱз кыв...

ӱшинь улын кер бунт гӱгӱр  
Талаясьӱма турун шӱвк.  
Енӱж шӱрті кывтӱ ӱгыр  
Малыштлывлӱ небыд тӱв.

Висьталӱмыс ӱз мун кузя--  
Жургис-юргис тувсов шор.  
Комсомолкаяслӱн пузис  
Сьӱлӱм пышкас би кинь тор.

Буржуй вылӱ скӱрмис, ӱзйис  
Нывпосни и ичӱт пи,  
Пузис сьӱлӱм тошка йӱзлӱн,  
Кабыртчаліс гаддя ки.

Том морт вискьтсьыд йӱзлӱн гызи  
Ставыс--сьӱлӱм и юр садь.  
Том морт ланьтіс... Войтыр шызи  
Босьтіс сӱрни ӱсип дядь.

Гур-гар телегаӱ кайис:  
„Ертьяс!— киргӱ гӱлӱс кыз.  
„Сідзкӱ кыз нӱ? Мый нӱ тайӱ  
Кодыр кыптас войнаыс.

Прӱщайт, гӱтыр! Прӱщайт, нылӱй!  
Буржуйкӱд кор лыбас зык,  
Медводз муна война вылӱ...  
Сутшка кыз рушкуас штык!”

Йөзүс гызис. Киссьө сёрни.  
Юргө-мургө вөлөсть шөр...  
Шонди лэччис. Вөли сёр нин...  
Мунис агитатор бөр.

Еджыд лыа кузя шывгис  
Кык гөгыля уклад вөв.  
Синнас колльөдисны нывьяс--  
Сутшис сьөлөманис ньөв.

1930.

В Ö Р Ы Н

Сулалö вөр.

Шувгö.

Скөр.

Увгöны

Тöv и гожöм

Сёсвояся

Пожöмьяс,

Козьяс.

Тшавöсь--

Чайтöны:

Важ моз на

Ыджыцöсь

Коми уджалысь

Йöз вылын.

Грыммуни

Гым.

Пу йылöдз

Качлис

Лым.

Сыркмунис

Му...

Вөр лэдзысь

Пөрөдис

Пу!

Пу.  
Кыз кер.  
Таркөдчө,  
Сяркөдчө,  
Грымөдчө...  
Коді?  
Коді локтө?  
--Багатыр трактор  
Вөр шөрти  
Шавксьөдіс.  
Воссьөма яг шөрө  
Мир туй.  
Уй жө,  
Кер тыра трактор,  
Уй!  
Ми вермим.  
Тырмас, вөрөй.  
Миян вылын  
Нартитчин дыр.  
Онi миян йөрө пыр!  
Чөв ов, ланьт,  
Шыр кодь  
ло  
И вот вөр пиын  
Клөнгө чер  
Дас сюрс морт кийн.  
Нязгө пила.  
Коми парма пасьта  
Кувгө-ветлө  
Уджалысь йөзлөн сила.

Бус-тшын!

Квайт мильон да джын  
Кубометр

Таво выlö

Лэдзöма мед!

И лоö лэдзöма!

Выль олöм тэчöмлы

Квайт мильон да джын

Кирпич

Пуктам ми сідз!

"Он пö тэчöй...

Юр вылад пөрö!"--

Ті шуад-пыскыльтад

Веськыдвыв кежысьяс.

Эн сөрöй!

Босьтчим и тэчам.

Абу вöt--

Вемöс.

Уджалысь войтыр

Ас вын-эбöснас

Петкөдлө шемöс.

Кымын грандиоза заво

СССР пасьта

Кыптис таво!

И ті, вөр пытша

Уджалысь котыр,

Эн чотöй!

Чорыда нуөдöй

Бит вося планыдлысь

Коймөд восö!

Сулалө вөр,

Шувгө

Скөр.

Сыркөдчө трактор--

Юргөны-мургөны

Пармаын

Отвылысь пилакөд-черкөд.

Тшупөны выль олөм,

Лэптөны

Социализм нима керка...

1930.

25

35

ВИДЗА ЮОР СТАВ МУВЫВСА  
РЕВОЛЮЦИОННОЙ ГИЖЫСЬЯСЛЫ

I

Пионер! Лэпты  
Ичөтик китө,  
Чөвтлы миянлань  
Синмыдлысь  
Нэриник битө.  
Гөрд галстуктө  
Көртав выліө--  
Миян сьыліө.

Комсомолец!  
Медводзө пет.  
Сьылөмным юргас  
Отвылысь мед.

Ударник!  
Топыда дор.  
Мөлөтнад кучкав  
Лючки--  
Мед торкысьлөн  
Юр чашка шольө,  
Мед вит вося план  
Артмас нельөн!

Красноармеецьяс!  
"Смирно!"

Видза юор--привет.  
Торкысь--вредитель.

Тіян водзын сулалө съезд--  
Гижысьяслөн, кодъяс  
Дон гөрд перөөн  
Перйёны мезд.

СССР-лөн мыджөд!  
Чолөм тіянлы ыджыц!  
Ми--капитала му вылө  
Өзталам би.

Став муывса революцияөс  
Сылам ми, туналам.  
Капиталлөн  
Бриллианта пельяс  
Чунавлө,  
Кор ми сылам  
Революция ногъясөн.

Топөдөй мянөс морөс бердад,  
Тыш выв ёртъясөй,  
Вокъясөй.

II

Кытысянь локтім ми?  
Сэтысянь,  
Көн револьвер мянлысь  
Тупкө быц шы.  
Сэтысянь,  
Көні пөдтө ладан тшын.  
Сэтысянь,  
Көн туплясьө няйтын  
Уджалысь йөз,  
Көн амбаръяс польтчөма няньөн,  
Гөраён дізьвидзө из шом да пес

Сэтöнi орчöн  
/Тшыгысла, кымöмла лöz/  
Бöрдöны челядь.  
Сэсянь ми локтiм.

Ми локтiм сэтысянь,  
Көн восьлалö гөрд фронтóвик,  
Гөрд флагөн шевъялö  
Китайса сикт,  
Көн Англияса горняк  
Мездьсьö чептысь,  
Көн тувччалö  
Индияса бунт лэптысь,  
Көн Сакко да  
Ванцетти ёртыяс.

Сэтысянь,  
Көн кашкөмөн  
Барабан шаргö,  
Ракаөн, кырнышөн карзö,  
СССР вылö  
Выль война лэптö,  
Гөрд флагсö көсьö  
Пасьвартны  
Капитал чептөн.

Сэсянь,  
Көнi  
Медбур ёртыаснымöс  
Виалöны.

Сэсянь,  
Көн сымын ёнджыка

Усьласьöны мян вылö,  
Кымын пöсьджыка  
Сьölöмысь киссьö  
Кось вылö чуксалан сьылöм.

Сэсянь,  
Көн сись школа, вичко  
Йозлысь мывкыцсö личкö.

Сэсянь,  
Көн кылö:  
„Чунь пом йывтö  
Окыштыштны--  
Шуд мый ыштöм!  
О, мадамöй!“  
Тайö чуньыс  
Удж эз тöдлы,  
Тайö вомыс  
Сөрöмысла сись--  
Отсасьöны мöда-мöдлы.

Сидз:  
Тайö вомыс  
Лыйлыны тшöктис  
Бастуйтысь уджалысь йозöс.  
Тайö кийс  
Радысла  
Кекöнач вöчис да... йöктис.  
Тайö чуньясыс сийö мадамлөн,  
Коді  
Уж улö, пон улö водö--  
Сэтшöма тшөгöма!  
Сюрс пөлöс сёяннад

Гос пиö вöйöма.

Локтiм ми сэтýсь,  
Көн сымын ёнджыка йирöны  
Пиньнысö мян выlö,  
Кымын пöсьджыка морöсысь петö  
Кось выlö чуксаян сьылöм.

Век жö...

Быдлаын, му пасьта быдлаын  
Няйт помöд пырыс  
Писькöдчö выль сьылöм,  
Шондi югөрөн чилскö выlö.  
Косьт вьвса визулөн пызйö,  
Зём гöрасянь зэв ьдждь изийөн  
Быгыльтчö сёнö.

Увгöны скөр гыөн

Му вьв пасьта выль шыяс:

"Сувт, чеччы, кедзовтöм йöз!

Гöрд знамя битö öзт!

Буржуйлы голяас гез!

Винтовкаын мян мезд!"

Вьль сьылöм,

Скөр шыяс!

Тöv нырөн

Уськöдчöй косьö--

Важ

Бакшасьöм сьылöм

Вьлö!

Сiсьмöм капитал мусö

Вежöй...

40

Коді туй шөрас?  
Весасьой, кежой!

Сэтысянь локтім ми,  
Көн кашкөмөн барабан шаргө,  
Ракаөн-кырнышөн каргө,  
Лэптө выль война  
Сөвет му вылө.

Сэтысянь локтім ми,  
Кытөн выль сылөм,  
Гымалан чуксасьөм  
Уличьяс вылын  
Грымгө.  
Көн дзижалөны миянөс  
Дон көртөн,  
Сы понда,  
Мыйла ми сылам  
Сыланкыв  
Гөрдөс.

### III

Локтім ми  
Ылысь:  
Америкаса паськыд степысь,  
Аравияса доналөм лыа вылысь.

Сэтысь,  
Көн дзирдалө алмаз моз йиыс,  
Став му пасьта вывсьыс  
Отчукөрө шывгим.

Чолөм жө тiянлы,  
Сөвет му пиянлы--  
Биа пөсь чолөм тiянлы,  
СССР-са  
Революцияа гижысьяс.  
Тiян водзын  
Козин--  
Тышө чукөстан кывбурным.  
Ми аддзам:  
Асья кыа югөр пиын  
Ытьялө  
Став му вывса Сөветлөн биыс.

## ІУ

Пионер! Лэпты  
Ичөтик китө...  
Комсомолец!  
Медводзө пет...  
Ударник!  
Топыда дор...

Харьков!  
Сойбордтө восьты,  
Топөд  
Морөс бердад аслыд  
Му выв революцияа  
Сылысьясөс.

1930.

Съездыс муніс Харьковын.

# О Р Д Й Ы С Ь Ö М

Рабочöй! Колхозник!  
Крестьянин! Кылад  
Гораа чуксаян шы?  
Уджалысь войтырлөн  
Совет му вылын  
Ветлөдлө ордйысян гы.

Му пасьта юрьялө,  
Босьтчөдө сьөлөм  
Удж вылө чуксаян гор:  
Сюсьджыка, төварыш!  
Дышлунтө өлөд!  
Ертыастө ордйысьны кор!  
Зелөдлөй вынйөртө,  
Уджным мед өддзас!  
Фабрикьяс, шахтаяс, му!  
Важ серти быдөн мед  
Кык мында вөчас!  
Дзулькйөн тэ, уджалөм, пу!

Выль олөм вермам мед  
Тырбурөн тэчны,  
Чегас мед врагьяслөн гыж, -  
Өдөбты эбөснад,  
Вынйөртө лэчты!  
Тодмышкав сйёс, код дыш!

1930.

# САРИДЗ САЙЫН

Саридз сайын, ылын-ылын... Э-э-э!

Көні буржуй власть.

Кылө лявзөм: "Совет ыылө } 2-ык  
Война, война дасьт!"

Сидзкө, вокьяс, бара тышө.. Э-э-э!

Кызьөд вося моз:

Совет Союз ыылө гыжсө } 2-ысь,  
Естьө кырныш поз

Став му ывса бандит чукөр.. Э-э-э!  
Кыподома зык.

Му ыыслөн квайтөд юкөн } 2-ык  
Сатшкас горшас штык

Первой өмөй косяс петам... Э-э-э!

Кужам нуны тыш.

Капиталлы гөрбас сетам } 2-ысь,  
Чегас сылөн мыш!

Отитөг ми ружье кутам... Э-э-э!

Паныд сувтам тшем!

Не вермыны Совет мутө } 2-ысь.  
Не вермыны нэм!

1930.

---

ШОНДИ ЮГӨР КОДЬ

/Коми Автономиялы 10 во  
тырөм кузя/

Шонди югөр кодь  
Юөр тэныд,  
Коми автономия,  
Октябрлөн козин!  
Ме син водзын--  
Сталь паськөма  
Багатыр  
Грымакылан-юрган,  
Нуодан  
Коми уджалысь йөзсө  
Социализм туйөд  
Тшем сук парма пыр.

Парма вөрөд  
Грымөд, юргы!  
Тэнө  
Нинөмтор оз пөрөд--  
Есь ньөвья пашляк ни  
Синтөм-пельтөм пурга,  
Ни сiм съөд кымөр...  
Грымөд! Грымөд!  
Шонди югөр кодь  
Югөр  
Тэныд,  
Коми автономия.

Козин тэныд со мый эм:  
Мильон-мильон кер  
Вөчис уджалысьлөн чер.  
Козьнала ме  
Нимлун тэнсьыд  
Мильон керйөн,  
Кодөс  
Көрт рушкау трактор да  
Гыөр ныра чибө  
Сьөд вөр шөрысь  
Берег дорө перйис.

---

Тэныд тыри  
Дас арөс.  
Мышку вывсьыд  
Шарөд,  
Пыркнит  
Кулак позсө.  
Лязөд,  
Пазөд  
Эмбур тшыкөдлысь  
Возсө...  
Чукйөн тырт  
Вит-вося  
Планлысь  
Коймөд восө.

Парма вөрөд  
Грымөд, юргы!  
Тэнө  
Нинөмтор оз пөрөд--  
Есь ньөвья пашляк ни  
Синтөм-пельтөм пурга,  
Ни сiм съөд кымөр.  
Грымөд! Грымөд!

---

Вежсьө Войвыв.  
Пуө  
Уджалысьлөн сой вын.  
Коми муө  
Шуньгысьө водө көрт туй,--  
Регыд нин грымөдас тат...  
Чужө--  
Коми пролетариат...  
Коді вайдөр  
Иирліс кач?  
Поліс быттьө шыр?  
Гөль войтыр.  
Өткөн тільсис лун и вой.  
Өнi муным колхозъясөн тыр!  
Быдмө фабрик-завод...  
Миян мог:  
Пур кылдны петны ставөн...  
Ов жө, ем дон  
Багатыр!

Нуод Сöвет Коми мусö.  
Тэныд  
Эскöмөн  
Менам  
Морöсöй тыр.  
Ов жö, ем дон  
Багатыр!

---

Парма вөрöд  
Грымöд, юргы!  
Тэнö  
Нинöмтор оз пөрöд--  
Есь ньöвья пашляк ни  
Синтöм-пельтöм пурга,  
Ни сiм сьид кымөр.  
Грымöд! Грымöд!

1931.

---

## КОСЬ ВЬЛӦ!

Ломзъы, дзирдав, ӧтув уджӧн  
Дон ударнӧй би...  
Паськыд му выв гӧрны кужам  
Ӧти муӧ ми!

Пятилетка--знамя миян,  
Мунан туйным--тыш.  
Коммуналы смерть код сиӧ,  
Чегам сылысь гыж.

Чуксалам ми вьль олӧмӧ:

Мамӧй, пӧльӧ, ай!  
Кылад? Али онӧ ӧмӧй?

Колхозӧ пыр вай!

Пятилетка--знамя миян,  
Мунан туйным--тыш.  
Коммуналы смерть код сиӧ,  
Чегам сылысь гыж.

Косьӧ пет ударнӧй уджӧн,  
Завод, колхоз, сикт!

Коммунаӧ Му шар вуджас  
Медым ставнас дзик!

Пятилетка--знамя миян,  
Мунан туйным--тыш.  
Коммуналы смерть код сиӧ,  
Чегам сылысь гыж.

---

## МИ ПИОНЕРЪЯС

/Роч вылысь/

Велодысьным--Ленин,  
Ленинлөн ми пиян;  
Оломö ми пörтам  
Ильичыдлысь сиöm!

Комсомолос вежны  
Мунам визув шорон.  
Тайö смена вылас  
Став челядсьö корам.

Быдмам--гырысьяслы  
Чожа отсөг вылө!  
Пазодам важ олом,  
Мусö тэчам выльос.

А мед тайос ставсö  
Вöчны вермам бура,  
Уставнымос колö  
Ена кутны юрын!

1931.

## МИ--ГӨРД ВАРЫШ ПИЯН

Ми--гөрд варыш пиян...

Збоя тувчав, кок!

Сьөлөм ломзё биён...

Водзё, нэр чой-вок!

Раз, два! Шуйга, шуйга!

Кок шы, гымгы, сьыв!

Юргы, сьыланкыв!

Дорёмаёсь биын

Айясным виль шуд.

Эн лэдз сійёс кысь,

Чорыджыка кут!

Раз, два! Шуйга, шуйга!

Кок шы, грымгы, сьыв!

Юргы, сьыланкыв!

Уджалысь йёз пиысь

Петім ставён ми.

Лозунг өти мян:

"Ов, коммуна би!"

Раз, два! Шуйга, шуйга!

Кок шы, грымгы, сьыв!

Юргы, сьыланкыв!

1931.

# ЮРИНДАЛЫСЬ

· Көрт туй. . . . .	5
· Гөрд дзоридзок. . . . .	5
· Дас витөд . . . . .	7
· Бор кузя. . . . .	13
· Ошинь улын. . . . .	29
· Вөрын. . . . .	32
· Видза юөр . . . . .	36
· Ордйысьöm . . . . .	45
· Саридз сайын. . . . .	44
· Шонді югөр кодъ . . . . .	45
· Кось вылө . . . . .	49
· Ми пионерьяс. . . . .	50
· Ми--гөрд варыш пиян . . . . .	51



